

*Sent. contr. l. 2. contr. 2. p. 54. col. 1. Non feris inter se bella sunt, nec si font, eadem hominem de- ceant placidum proximum, divino genus.*

*9. Beweis aus Special benennung der Sünden, vmb deren willen Krieg kommet.*

*1. Ist Abgötterey.*

*Wort in dieser Wige bestet.*

*1.*

*2.*

*3.*

Dann Pestilenz vnd Thewrung kommen vnd werden verrichter immediate, vnmittelbar von Gott: Aber Krieg wird von Menschen vollbracht/da plagt/ ängstiget/ vertreibt/ verderbt/ ersücht/ ermordt ein Mensch den andern/ welches wider alle Natur/ alle Humanitet. Vmb des willen nit vnbillich Das vid erwelhet Pestilenz vor dem Krieg/ 2. Sam. 24. 14. Ist dann so ein grosse erschreckliche Plag vmb den Krieg/ darüber kein erschrecklichere nicht seyn kan: O wie müssen dann diß so erschreckliche/ grosse/ schwere vnd starke Sünde seyn/ vmb deren willen mit so vnbarmerziger Scaupe Land vnd Leute geschlagen werden?

3. Macht die Schrift eben solche grosse vnd starke Missetharen vnd Sünden in specie vnd besonders namhafft/ vmb deren willen Gott ein Land mit Kriegsmacht straffer. Wil deren dißmal nur etliche mit wenigem anrühren/ von den vbrigen in folgenden Predigten/ geliebts Gott/ handeln.

Die vornemste Hauptsünde/ daran sich Land vnd Leute an Gott höchlich verflündigen/ ist Abgötterey/ da der Mensch auff oder neben dem ewigen/ allmächtigen/ wahren/ lebendigen Gott/ etwas für ein Gott erwelhet/ auff das selbige sein Herz/ Zuversicht vnd Vertrauen setzt/ dasselbige liebet/ verehret/ anbetet/ lobet vnd dancket/ welches dem einigen/ allem wahren Gott allein gebühret. Als wann man Sonn/ Mond/ Stern/ andere Creaturen/ oder die/ so Menschen gewesen/ oder gemachte/ geschnitten/ gegoffens/ silberne/ goldene/ irdene/ hölzerne/ steinerne Bilder/ anders dergleichen/ so nicht Gott von Natur/ verehret/ anbetet/ ihnen dienet/ wie die Heyden gethan/ vnd noch thun/ wie zu sehen Psal. 115. 4. Esa 2. 8. Rom. 1. 21. 23. Gal. 4. 8. Jerem. 10. 2. Oder wann man sie durch Vorbilder Gott vnd die Heiligen verehret/ vnd solche Bilder eadem cultus specie cum prototypo, eben mit der Ehr/ wie die/ so sie an/ vnd fürbilden/ veneriret, anbetet vnd verehret/ wie ind Papstthumb noch heutigs Tags geschiehet. Oder sonsten auff Menschen/ auff Geld/ Gut/ Reichthumb/ Ehr/ anders zeitliches/ sein Herz/ Vertrauen vnd Zuversicht setzt/ das von ganzem Herzen vnd Gemüch mehr/ dann Gott/ liebet/ wie Weltmenschen zu thun pflegen. Dann das wird Abgötterey vnd Götzendienst genennet/ Eph. 5. 5. Col. 3. 5. Dergleichen die/ denen der Bauch ihr Gott ist/ Phil. 3. 19. Nun ist je diß ein erschreckliche schwere Sünd/ das sich der Himmel eniszen/ erschrecken vnd beben solt/ Jerem. 2. 12. Welche Gott zum höchsten verboten/ 2. Mos. 20. 3. 3. Mos. 19. 4. 5. Mos. 5. 7. vnd 11. 16. 2. König. 17. 33. 1. Cor. 10. 2. 1. Joh. 5. 21. Drumb dremet er nicht allein/ daß er vmb Abgötterey willen Kriegsläufe schicken/ das Abgötterisch Volck zum Raub geben/ Jerem. 2. 14. vnd 5. 17. vnd 10. Feinde vber sie samlen/ vnd sie straffen/ Hof. 10. 10. mit Krieg straffen/ vnd die Kinder tödren

027

025

031

021

036

016

076

Ende

Anfang